

Byvoeglike Naamwoorde

Gemengde Oefening


Byvoeglike naamwoorde is woorde wat die selfstandige naamwoorde beskryf. Die byvoeglike naamwoord kan selfstandige naamwoorde op verskillende wyses beskryf, naamlik:

- deur middel van trappe van vergelyking
- deur middel van intensiewe vorme
- deur middel van verbugings
- deur middel van vergelykings

1. Trappe van Vergelyking.

Byvoeglike naamwoorde kan in die stellende trap, die vergrotende trap of die oortreffende trap geplaas word.

Byvoorbeeld: mooi, mooier, die mooiste



2. Intensiewe Vorme

Byvoeglike naamwoorde kan ook in 'n intensiewe vorm gebruik word om die woord nog meer te beskryf.

Byvoorbeeld: baie rooi – bloedrooi;
baie vinnig – blitsvinnig



3. Verbugings

Soms, afhangend van waar die byvoeglike naamwoord in die sin staan, neem hy verskillende vorms aan.

Byvoorbeeld: Die rok is kleurvol.

OF

Dit is 'n kleurvolle rok.




4. Vergelykings

Vergelykings en intensiewe vorme loop dikwels hand aan hand.

Byvoorbeeld: Grasgroen kan in 'n vergelyking geplaas word – So groen soos gras.

Bloedrooi kan in 'n vergelyking geplaas word – So rooi soos bloed.

Vergelykings is wanneer twee sake met die woorde, soos en nes gelyk aan mekaar gestel word.



Aktiwiteit

Voltooi die onderstaande paragraaf deur die instruksies in hakies te volg en die korrekte woordvorm in die spasies in te vul.

Suid-Afrika is 'n **1.1** (gee die korrekte vorm van die woord pragtig) _____ land met die **1.2** (gee die oortreffende trap van ryk) _____ kultuur en 'n ryk geskiedenis. Die **1.3** (gee die korrekte vorm van die woord bekend) _____ stad, Kaapstad, is 'n gunsteling onder toeriste.

Die **1.4** (gee die korrekte vorm van die woord mooi) _____ somers maak dit 'n gewilde bestemming vir strandliefhebbers. Die landskap is **1.5** (gee die intensiewe vorm van die woord groen) _____ met bekende besienswaardighede soos Tafelberg en die Krugerwildtuin.

Suid-Afrika is trots op sy **1.6** (gee die korrekte vorm van die woord tradisioneel) _____ kos, soos bobotie en braaivleis. Het jy al ooit 'n **1.7** (gee die korrekte vorm van die woord sappig) _____ stuk boerewors geproe?

Die **1.8** (gee die korrekte vorm van die woord son) _____ strande langs die Tuinroete is baie gewild onder toeriste. Die warm Indiese Oseaan lok baie swemmers en branderplankryers.

Het jy geweet dat Suid-Afrika se hoofstede elkeen 'n **1.9** (gee die korrekte vorm van die woord belangrik) _____ rol in die regering speel? Pretoria is die administratiewe hoofstad, Kaapstad is die wetgewende hoofstad en Bloemfontein is die geregtelike hoofstad.

Daarom is Suid-Afrika een van die **1.10** (gee die oortreffende trap gewild) _____ toeristebestemmings in Afrika. Wil jy eendag hierdie **1.11** (gee die korrekte vorm van die woord ongelooflik) _____ land verken?

